

# Probas libres para a obtención dos títulos de FP LOE en Galicia

Dirección Xeral de Educación, Formación Profesional e  
Innovación Educativa

# Probas libres

## Marco lexislativo

- **ORDE do 5 de abril de 2013** pola que se regulan as probas para a obtención dos títulos de técnico e de técnico superior de ciclos formativos de formación profesional dos establecidos ao abeiro da Lei orgánica 2/2006, do 3 de maio, de educación
  - regula a finalidade, requisitos das persoas solicitantes, admisión e matrícula, o desenvolvemento da proba, avaliación,...

# Convocatoria

## Oferta de prazas

- A oferta de probas libres está vinculada á oferta existente nos centros públicos:
  - no réxime ordinario,
  - no réxime para as persoas adultas na modalidade presencial
  - no réxime para as persoas adultas na modalidade a distancia.
- Os centros públicos convocarán **10 prazas por cada un dos grupos autorizados** que conformen a oferta de cada módulo profesional do ciclo formativo obxecto de proba libre.
  - Para os efectos do cómputo do número de prazas teranse en conta todos os réximes e/ou modalidades ofertados no centro e que contén con alumnado matriculado no curso académico correspondente.

# Convocatoria e requisitos

## Oferta de prazas – particularidades do 2012/13

- A convocatoria do curso 2012/13 realizarase, exclusivamente, nos centros públicos que oferten **os ciclos formativos completos** (oferta de todos os módulos) en calquera dos réximes e/ou modalidades.

# Requisitos das persoas solicitantes

## Requisitos de carácter xeral

- Non estar matriculado/a en ciclos formativos de FP, nin ter causado baixa no correspondente curso académico.
- Non estar en posesión dun título de FP declarado equivalente ao correspondente título de FP LOE obxecto da proba.
- Para optar aos títulos de técnico:
  - Ter a titulación de ESO, proba de acceso ou estudos declarados equivalentes.
  - Ter 18 anos.
- Para optar aos títulos de técnico superior:
  - Ter o titulación de Bacharelato, proba de acceso proba de acceso ou estudos declarados equivalentes.
  - Ter 20 anos, ou 19 anos no caso de posuír o título de técnico.

# Requisitos das persoas solicitantes

## Requisitos de carácter excepcional

- No caso de que houber vacantes logo de resolto o proceso de admisión poderán acceder á realización das probas:
  - As persoas adultas para a superación dos módulos profesionais asociados a unidades de competencia do Catálogo Nacional de Cualificacións Profesionais,
    - sempre que acrediten unha experiencia laboral equivalente ao traballo a tempo completo de 2 anos nunha actividade laboral directamente relacionada co sector profesional do ciclo formativo.
  - As persoas matriculadas polo réxime de persoas adultas para a superación dos módulos profesionais do mesmo ciclo formativo,
    - sempre que os teñan suspensos de cursos académicos anteriores.
    - non se atopen matriculadas neles no curso académico de realización da proba.

# Proceso de admisión e matrícula

## Xeneralidades

- O **proceso de admisión** realízase por ciclo formativo e grupo vinculado á oferta existente no centro.
- O **proceso de matrícula** realízase por módulos profesionais do ciclo formativo e grupo vinculado á oferta existente no centro no que foi admitida a persoa.
- A persoa solicitante só pode ser admitida e matriculada nun único centro en módulos profesionais dun mesmo ciclo formativo e nun único grupo vinculado á oferta existente no centro de réxime e modalidade correspondente.

# Proceso de admisión e matrícula

## Prazo e lugar presentación de solicitudes

- O prazo de presentación de solicitudes será durante os derradeiros 10 días hábiles do mes de abril.
  - O prazo de na convocatoria 2012/13: do 19 ao 30 de abril, ata ás 13:00h.
- Unicamente poderá presentar a solicitude de admisión quen cumpra os requisitos de acceso no momento da inscrición
- Presentaranse na secretaría de calquera centro con oferta de PL, malia que non sexa o centro elixido en primeira opción.
  - no 2012/13 presentarán **unha instancia cunha única petición de centro e ciclo formativo**
- Documentación a entregar
  - Ver [www.edu.xunta.es/fp](http://www.edu.xunta.es/fp)



# Admisión e matrícula

## Baremo para a admisión

- a) Pola experiencia laboral equivalente ao traballo a tempo completo dun ano nun sector productivo directamente relacionado co ciclo formativo:
  - 3 puntos por cada ano, ata un máximo de 15 puntos.
  - A fracción de ano computarase a razón de 0,25 puntos por cada mes completo.
- b) Pola experiencia laboral equivalente ao traballo a tempo completo dun ano nun sector productivo non relacionado co ciclo formativo:
  - 1,2 puntos por cada ano, ata un máximo de 6 puntos.
  - A fracción de ano computarase a razón de 0,1 puntos por cada mes completo.
- c) Por módulos xa acreditados do ciclo formativo ou UC que os validen:
  - 2,25 puntos por cada módulo.

# Desenvolvemento da proba

## Calendario

- As probas realizaranse no mes de **xuño**,
  - Co fin de lles posibilitar ás persoas aspirantes a participación no proceso de admisión de ciclos formativos do seguinte curso académico.
- O calendario das probas **harmonizarase coas actividades de recuperación dos módulos pendentes**, nun período non superior a tres semanas antes da avaliación final correspondente
- O calendario, o procedemento e o deseño de probas libres **podará ser empregado polo profesorado para a realización da proba extraordinaria de avaliación ao alumnado que perdese o dereito á avaliación continua**

# Desenvolvemento das probas

## Comisións de avaliación

- En cada centro crearase unha comisión de avaliación por cada equipo docente dos ciclos formativos autorizados
- Estará presidida, con carácter xeral, polo profesorado que exerza a titoría,
  - que se encargará de coordinar o resto do equipo docente, baixo as directrices da xefatura do departamento da familia profesional á que pertenza o ciclo formativo.
- A dirección do centro coordinará as comisións de avaliación para un correcto desenvolvemento das probas
- Cada módulo profesional que se ofrezca para cada grupo de proba libre será avaliado por un único membro do profesorado
  - que, con carácter xeral, será o/a docente que se encargue de impartilo no curso académico,
  - e asinará as actas de avaliación correspondentes.

# Desenvolvemento da proba

## Programación das probas

- As probas axustaranse aos currículos dos ciclos formativos e organizaranse en dúas partes:
  - Parte teórica.
  - Parte práctica.
- As probas permitirán evidenciar, baseándose nos criterios de avaliación correspondentes, se a persoa aspirante alcanzou os resultados de aprendizaxe establecidos para cada módulo profesional.
- Realizarase unha programación da proba libre de cada módulo.

# Desenvolvemento da proba

## Programación das probas

- A programación de cada módulo axustarase ao modelo establecido no anexo III da orde, e deberá concretar os seguintes aspectos:
  - Identificación da programación.
  - Resultados de aprendizaxe e criterios de avaliación para as dúas partes da proba (RA e CA).
  - Mínimos exixibles para alcanzar a avaliación positiva e os criterios de cualificación.
  - Características da proba e instrumentos necesarios para o seu desenvolvemento.
- A programación da primeira parte da proba:
  - deseñarse cos criterios de avaliación do currículo do módulo relacionados cos coñecementos teóricos.
- A programación da segunda parte da proba:
  - deseñarse cos criterios de avaliación do currículo do módulo relacionados cos coñecementos prácticos.

# Desenvolvemento da proba

## Chamamento

- As persoas aspirantes serán convocadas en único chamamento para:
  - A xornada de acollemento.
  - A parte primeira da proba.
  - A parte segunda da proba.
- Os membros da comisión de avaliación poderán requirir en calquera momento ás persoas aspirantes que acrediten a súa identidade.

# Desenvolvemento da proba

## Xornada de acollemento

- O equipo directivo do centro xunto co orientador/ora do centro organizará e coordinará unha xornada de acollemento para as persoas matriculadas, co fin de:
  - transmitir a información precisa,
  - dar as instrucións que consideren convenientes
  - aclarar as dúbidas xurdidas para o mellor desenvolvemento das probas

# Desenvolvemento da proba

## Primeira parte da proba

- Terá carácter eliminatorio.
- Consistirá nunha proba escrita que versará sobre unha mostra suficientemente significativa dos criterios de avaliación establecidos na programación para esta parte.
- Cualificarase de 0 a 10 puntos.
  - Para a súa superación as persoas candidatas deberán obter unha puntuación igual ou superior a 5 puntos.
- As comisións de avaliación exporán a puntuación obtida polas persoas aspirantes no taboleiro de anuncios do centro onde se realizara unha vez finalizada.



# Desenvolvemento da proba

## Segunda parte da proba

- Terá carácter eliminatorio.
- Consistirá no desenvolvemento de un ou varios supostos prácticos que versarán sobre unha mostra suficientemente significativa dos criterios de avaliación establecidos na programación para esta parte.
- Cualificarase de 0 a 10 puntos.
  - Para a súa superación as persoas candidatas deberán obter unha puntuación igual ou superior a 5 puntos.
  - As persoas que non superaran a primeira parte da proba serán cualificadas cun cero nesta segunda parte.
- As comisións de avaliación exporán as puntuacións obtidas no taboleiro de anuncios do centro onde se realizara unha vez finalizada a proba.

# Desenvolvemento da proba

## Aplicación da baixa de oficio

- Os centros realizarán a baixa de oficio da matrícula da proba cando unha persoa matriculada non asista inxustificadamente á xornada de acollemento ou a calquera das partes da proba de cada módulo profesional.
  - A comisión de avaliación valorará as circunstancias na xustificación desas faltas, cuxa aceptación será acorde co establecido no correspondente regulamento de réxime interior do centro.
- As persoas ás que se lles aplique a baixa de oficio perderán a condición de persoa matriculada na proba, polo que:
  - non se terá en conta ningunha cualificación
  - non poderán presentar unha solicitude de inscrición nas probas do curso académico seguinte,
    - e só poderán presentarse a esa convocatoria no caso de que haxa vacantes logo de resolto o proceso de admisión.

# Avaliación, cualificación e titulación

## Cualificación

- A avaliación realizarase de xeito diferenciada por módulos (artigo 37 da Orde do 12 de xullo de 2011).
- A cualificación final de cada módulo profesional será numérica, entre 1 e 10, sen decimais.
  - Calcularase a media aritmética das cualificacións obtidas en cada unha das partes, expresada con números enteiros, redondeada á unidade máis próxima.
- No caso das persoas aspirantes que suspendan a segunda parte da proba, a puntuación máxima que poderá asignarse será de catro puntos.

# Avaliación, cualificación e titulación

## O módulo de FCT

- Cursarase logo de alcanzada a avaliación positiva en todos os módulos profesionais realizados no centro educativo, agás o módulo de proxecto, de ser o caso.
- Ou solicitarase a exención nas mesmas condicións que no resto de réximes e modalidades de formación profesional inicial establecidos na súa normativa reguladora.

# Avaliación, cualificación e titulación

## O módulo de proxecto (CF grao superior)

- Avaliarase logo de cursado o módulo FCT, co obxecto de posibilitar a incorporación das competencias adquiridas nel, polo que para se matricular deste módulo o alumnado deberá estar en condicións de cumprir tal requisito.
- Cursarase nas mesmas condicións que no resto de réximes e modalidades de formación profesional inicial establecidos na súa normativa reguladora.

# Avaliación, cualificación e titulación

## Validación de módulos profesionais

- En materia de validacións estarase ao disposto na súa normativa reguladora e cumprirase o seguinte:
  - a) Presentarase coa solicitude de matrícula para as probas.
- Antes do primeiro día hábil do mes de xuño de cada ano, a dirección do centro deberá resolver ou, de ser o caso, remitir ao órgano competente as solicitudes de validacións.
- As persoas aspirantes que estean pendentes de validación nalgún módulo profesional deberán presentarse á proba do correspondente módulo profesional.
  - Se a confirmación da validación é posterior ás avaliacións finais, deberanse facer as dilixencias oportunas de modificación da cualificación en todos os documentos oficiais. Non terán validez as resolucións de validación para as persoas que causasen baixa na proba

# Avaliación, cualificación e titulación

## Certificación

- Certificado académico dos módulos profesionais superados,
  - Terá efectos académicos
  - Terá efectos de acreditación parcial acumulable das competencias profesionais adquiridas en relación co Sistema Nacional de Cualificacións e Formación Profesional

# Avaliación, cualificación e titulación

## Titulación

- As persoas que teñan superados todos os módulos profesionais de centro educativo dun determinado ciclo formativo logo da realización das probas libres, e
  - superen o módulo de FCT ou sexan eximidas del
  - superen o módulo de proxecto, no caso dos ciclos formativos de grao superior,
- poderán solicitar a expedición do título correspondente.
- Nestes casos, os centros educativos realizarán a proposta de título polo réxime de «proba libre».



# Outros aspectos

## Información e orientación

- Os centros educativos informarán e orientarán, a través dos departamentos de orientación, ás persoas interesadas, cos seguintes fins:
  - a) Difundir a oferta de probas que se vaia realizar nese centro.
  - b) Informar sobre os requisitos académicos e as condicións de acceso establecidos, atendendo ás condicións, ás necesidades e aos intereses das persoas que demanden a información.

# Outros aspectos

## Información e orientación

- c) Orientar as persoas interesadas cara ás probas dos ciclos formativos que mellor se adapten ás súas circunstancias persoais, de xeito que a opción elixida permita superar os obxectivos dos módulos profesionais e terminar a totalidade do ciclo formativo, e sen que supoña risco para a súa integridade física nin a dos demais.
- d) Informar e orientar sobre as oportunidades de aprendizaxe e os posibles itinerarios formativos para facilitar a inserción e a reinserción laborais, a mellora no emprego, así como a mobilidade profesional no mercado de traballo..
- e) Informar sobre as titulacións académicas e sobre as oportunidades de acceso ao emprego, e orientar sobre as posibilidades de adquisición, avaliación e acreditación de competencias e cualificacións profesionais requiridas no mundo laboral, e o progreso nelas ao longo de toda a vida.

# Outros aspectos

## Organización do proceso de información

- Antes do inicio do período de matrícula, o centro porá á disposición das persoas interesadas:
  - as programacións da proba libre dos módulos profesionais,
  - publicará o calendario e o horario de realización das probas,
  - dará a información que se considere de interese xeral.

# Outros aspectos

## Necesidades educativas especiais

- As persoas que teñan a declaración legal de discapacidade poderán solicitar a adaptación dos procedementos e do tempo de realización da proba, así como recursos adicionais para a desenvolver.
- A presidencia da comisión de avaliación correspondente determinará se procede adoptar medidas ou facilitar recursos adicionais para cada caso e informará a persoa interesada da súa decisión.
  - Cando o considere necesario, solicitará informe do Equipo de Orientación Específico provincial.
- A presidencia da comisión de avaliación adoptará as medidas e facilitará os recursos adicionais que se determinen para permitir que estas persoas poidan realizar as probas.
  - Cando sexa necesario, porá esa circunstancia en coñecemento da xefatura territorial da consellería con competencias en materia de educación que corresponda, para que facilite os recursos necesarios.
- Estas medidas que se adopten non poderán afectar de xeito significativo a consecución dos resultados de aprendizaxe previstos para cada un dos módulos profesionais (artigo 62.4º do Decreto 114/2010)



# Grazas

## pola súa atención

**Dirección Xeral de Educación, Formación Profesional e  
Innovación Educativa**

**[www.edu.xunta.es/fp](http://www.edu.xunta.es/fp)**